

說
庫

第十八冊

遺 史 紀 聞
難 肋 記
默 記
燕 翼 胎 謀 錄
澗 泉 日 記

說

庫

卷之六

新嘉坡海峽殖民地
大英欽命駐紮
總督府
秘書處
印務處
印務處
印務處
印務處

遺史記聞

宋 詹 玠撰

衣錦將軍

錢鏐臨安人。里中有大木。鏐幼時常戲其下。後為吳越國王。宴父老。山林皆覆錦。名其木。衣錦將軍。

金蓮燭

宣宗將命令狐綯為相。前數日夜召更深方歸院。以御前金蓮燭賜以送歸院。吏望見燭以為駕幸。已而綯至。時以為榮。

手印屏風

明皇所幸美人王氏。數夢人招飲密會。具言於上。上曰。必術士所為。汝若再往。以物誌之。其夕夢中又往。因就研手印於屏風上。既悟。即告。潛索於外。果於東明觀中得其手印紋。而道士已遁矣。

如意女子詩

如意中有女子七歲能詩。則天召見。試之。令賦送別兄弟云。別路雲初起。離亭葉乍

飛所嗟人異雁不作一行歸。

抱琴踰垣

真宗祀汾陰。登山望林麓。中有亭檻。問曰。何所。乃隱士魏楚草堂。遣使往召之。楚方鼓琴教鶴舞。聞使至。抱琴踰垣遁去。使聞上甚歎美之。

釜中龍

南唐時有蒼頭持龍水圖求貨。或得之。將練以服。忽釜中雲蒸起。見二龍騰躍穿壁而去。

清非生

太子中允王綸有女十八。一日晝寢。若魘。有物憑附而語。稱清非生。呼其女為燕華。君能三十六體天篆。又能詩。後數月如故。皆不能記矣。

鷄肋

宋 趙崇綸輯

余嗜書如簡中之蠹魚。讀書如瀛莫之設畫。性根弗靈。無彊記能。實一編於几硯間。隨筆錄之。久而成卷。以類抄聚其可去者十一。亦有可觀者焉。別為一卷。名曰鷄肋云。

從理入口。目有重瞳之異。

漢周亞夫從理入口。竟以餓死。南史有水軍都督褚羅。面甚尖微。從理入口。竟保衣食而終。舜目重瞳。項羽亦重瞳子而死垓下。隋魚俱羅。目有重瞳。為煬帝所忌。斬東都市。

羊侃勇力

南史羊侃。膂力絕人。所用弓至二十石。馬上用六石弓。嘗於兗州堯廟。蹋壁直上至五尋。橫行得七跡。四橋有數十人。長八尺。大十圍。侃執以相擊。悉皆破碎。少時仕魏為郎。以力聞。魏帝嘗謂曰。郎官謂卿為武。豈羊質虎皮乎。試作武狀。侃因伏以手扶殿柱。沒指後歸。梁高祖幸樂遊苑。侃預宴。時少府奏新造兩刃稍。成長二丈四尺。圍

一尺三寸。帝令賜佩試之。執稍上馬。左右擊刺。特盡其妙。觀者登樹。帝曰。此樹必為侍中折矣。俄而果折。因號稍為折樹稍。佩性豪侈。姬妾列侍。僂人張淨婉腰圍一尺六寸。能掌上舞。又有孫荆玉能反腰帖地。銜得席上玉簪。

肉飛仙

北史流光仕隋。太子勇引署學士。驍捷趺弛禪定寺中。幡竿高十餘丈。適值繩絕。非人力所能反。光因取索口銜拍竿而上。直至龍頭。繫繩畢。手足皆放。透空而下。以掌拓地。倒行十餘步。觀者嗟異。時人號為肉飛仙。

蕭譽惡見婦人

南史梁王蕭譽尤惡見婦人。相去數步。遙聞其臭。經御婦人之衣。不復更著。

劉邕嗜瘡痂

南史劉邕嗣南康郡公。性嗜瘡痂。以為味似鰕魚。嘗詣孟靈休灸瘡痂落床上。邕取食之。靈休大驚。邕答云。性之所嗜。靈休瘡痂未落者。悉褫取以飴邕。邕既去。靈休與何最書。劉邕向見。嚔遂舉體流血。曰。南康國吏二百許人。不問有罪無罪。遞互與鞭瘡。常以給饌。

劉彥之初擔糞

南史劉彥之初以擔糞自給。後以功至南豫州刺史。封建昌縣公。

婦人有鬚

唐李光弼母有鬚數十。長五寸許。封韓國太夫人。二子。光弼封臨淮郡王。光進封武威郡王。皆為名將。死。葬長安南原。將相祭奠。凡四十四幄。

男子乳生漣

後漢李善本。南陽李元蒼。頭元家疫相繼死。惟有孤兒續。始生數旬。諸奴婢欲殺續。分財。善潛負續逃。親自哺養。乳為生漣。唐元德秀兄子襁褓。喪親無資。得乳媪。乃自乳之。數日漣流。能食乃止。

累世有列傳

晉呂虔有佩刀。工相之。以為必登三公。可服此刀。以與王祥。祥薨。以刀授弟覽。曰。汝後必興。足稱此刀。覽後奕世多賢才。覽孫導至十一世孫。褒歷兩晉宋齊梁陳後周。凡七十餘人。皆有列傳。如羲之獻之徽之宏。僧達雲首僧綽僧虔儉。皆有孫裔。此史傳所無也。若河東裴十代有傳。非一祖流傳。又晉謝氏及南史江氏。亦數代有傳。皆

不及也。

千里駒

漢劉德。魏曹休。晉傅咸。劉曜。符朗。宋張敷。梁蕭暕。王規。劉杳。
王茂。任昉。齊邱仲符。袁昂。北魏。李孝伯。袁躍。北齊馮翊。王潤。
崔昂。元文遙。後周杜杲。隋張乾威。唐李嵩。成王千里。

知囊

史記秦樛里子號知囊。漢晁錯以辯號知囊。東漢魯匡王莽時為羲和有權數號知囊。晉宣帝舉兵廢曹爽。桓範出赴爽。宣帝曰。知囊往矣。杜預號知囊。

八達

魏曹爽傳李勝明帝時人曰勝堂有四窗八達各有主名。諸葛誕八人號八達。晉光逸與胡毋輔之謝鯤畢卓等八人裸袒酣飲謂八達。晉宣帝兄弟八人俱以達為字。時號八達。

萬石君

漢石奮號萬石君。馮揚宣帝時為宏農太守。八子皆二千石號萬石君。東漢秦彭與

群從同時為二千石者。五人三輔號萬石。秦氏唐張文瓘。高宗時為侍中。四子皆至三品。人謂之萬石張家。又西漢嚴延年兄弟五人皆至大官。東海號其母曰萬石嚴媽。

佩六印

蘇秦佩六國相印。漢五利將軍佩六印。謂五利天士地士大通天道五將軍樂通侯凡六印。戰國犀首亦佩五國相印。唐王忠嗣為河西隴右節度使。權朔方河東節度使。佩四將印。

喫酒救火

後漢樂巴喫酒。滅成都火。郭憲喫酒救齊國火。晉佛圖澄喫酒救幽州火。

水鏡

蜀龐德公以司馬德操為水鏡。晉衛瓘奇樂廣曰。此人之水鏡。北史蔡大寶見柳莊嘆曰。襄陽水鏡復在於茲。

撲鏡

魏夏侯惇為流矢傷左目。每照鏡恚怒。輒撲鏡於地。吳孫策殺于吉後。被創方差。引

鏡自照。見吉在鏡中。遂撲鏡大叫。創裂而死。

倒用印

唐末泚偽迎天子段秀實。倒用司農印。以追其兵。五代劉皇后遣人殺郭崇韜李崧。倒用都統印。以定人心。

大人跡

史記始皇時。有大人見臨洮。跡六尺。漢武帝求神仙。公孫卿至東萊。言見大人長數丈。跡甚大。魏咸熙二年。大人見襄武縣。跡長三尺三寸。唐則天長安元年。司刑寺因偽作大人跡五尺。改元大足。

猿臂善射

漢李廣。吳太史慈。前趙劉淵。後唐李存孝。

垂手下膝

蜀先主。晉武帝。後周太祖。陳武帝宣帝。前趙劉曜。秦苻堅。後秦姚萇。南燕慕容垂。五代南漢劉龔。蜀王衍。南史陳柳皇后。皆垂手下膝。又北魏祖昇南史宋王元初。隋劉元進。手垂過膝。皆以誅死。

口吃人

韓非。司馬相如。揚雄。周昌。魯恭王。魏明帝。鄧艾。宋孔顗。後周盧柔。鄭偉。隋盧楚。唐李固言。南唐孫盛。

古人嗜好

文王嗜菖蒲。武王嗜鮑魚。吳王僚嗜魚炙。屈到嗜姜。曾皙嗜羊棗。公儀休嗜魚。王莽嗜鰕魚。王右軍嗜牛心。宋明帝嗜蜜漬魷魚。齊宣王嗜起麤餅鴨臠。高帝嗜肉膾。陳後主嗜驢肉。齊蕭頴胄嗽白肉膾至三斗。後魏辛紹先嗜羊肝。唐陸鴻嗜茶。魏明帝好槌鑿聲。

夢筆

江淹夢五色筆。王珣夢人與大筆如椽。紀少瑜嘗夢陸倕以一束青縷筆授之。唐李嶠夢人遺之雙筆。李白夢筆生花。

軍中有女子

梁湘東王嘗出軍。有人將婦從者。王曰。才愧李陵。未能先誅女子。將非孫武。遂欲驅戰婦人。徐君倩為詔議奉軍。幼聰明。應聲曰。項籍壯士。猶有虞兮之愛。紀信成功。亦

資姬人之力。北魏太武令古弼征馮宏。高麗救軍至宏。令婦人披甲居中。其精卒及高麗陳兵於外。遂東奔高麗。唐韓宏惡李光顏忠力。思有以抗讎之。乃飾名姝遺光顏。光顏大合將校置酒。使者引侍姝至。秀曼都雅。一軍驚視。光顏徐曰。我去室家久。以為公憂。誠無以報德。然將士皆棄妻子。蹈白刃。奈何獨以女色為樂。厚賂使者遣之。將卒感激。

王智興破姚海。獲美妾三人。智興曰。軍中有女子。安得不敗。即斬以徇。隋文帝以韋孝寬為元帥。擊尉遲迥。孝寬有疾。每卧帳中。遣婦人傳教命。唐柴紹吐谷渾。党項寇邊。敕紹討之。據高射紹軍。紹安坐。令人彈琵琶。使二女舞。疑之。休射觀。紹伺其懈。以精騎衝擊。

古人酒量

漢于定國為廷尉。食酒至數石不亂。冬月治請讞。飲酒益精明。鄭康成飲酒一斛。盧植能飲一石。晉周顗飲一石。劉伶一石五斗解醒。前燕皇甫真飲石餘不亂。南齊沈文季飲至五斗。妻王錫女飲酒亦至三斗。對飲竟日。而視事不廢。鄧元起飲至一斛不亂。北史柳謩之飲一石不亂。陳後主與子弟日飲一石。孔

珪飲酒七八斗。

漢兩張禹

前漢張禹字子文。成帝時為丞相封安昌侯。後漢張禹字伯達。和帝時為太傅。安帝時以定功封安鄉侯。

晉兩劉毅

一字仲雄。公正峭直。武帝時為尚書左僕射。一字希樂。與劉裕起義。兵討桓玄。為豫州刺史。

唐兩李光進

其先皆蕃部人。皆為名將。建節鉞。一乃光弼之弟。一乃光顏之兄。

玉環

明皇雜錄。唐睿宗所御琵琶曰玉環。楊貴妃小名曰玉環。

玉樓

李賀為白玉樓記。集仙傳。王母所居龜臺有玉樓十二。又道家以兩肩為玉樓。故坡詩凍合玉樓寒起粟。光搖銀海眩生花。

銀河

道家以目為銀河。乾膳子裴鉞大宴有銀河受一斗飲器也。

白鳥

陸機詩疏鷺謂之白鳥。夏小正閏蚘謂之白鳥。

玄駒

爾雅云駒小鳥也。夏小正謂蟻曰玄駒。古今注謂黑鯉為玄駒。

夜光

鄒陽傳夜光之璧。古今注螢火一名夜光。淮南子月明夜光。

司花女

南部烟花記煬帝令袁寶兒持花號司花女。續仙傳鶴林寺杜鵑花開有紅裳女子遊花下。謂殷七七曰妾久司此花。今為道者開之。

繞梁

列子韓娥歌音繞梁。樂書繞梁樂器也。與笙篴相似。宋武帝大明中沈懷遠為之懷遠亡其器亦絕矣。又楚莊王琴名繞梁。

莫難

古今注。莫難珠色黃。出東。鄴中記。扇之奇巧者。名莫難。

小蠻

白樂天詩。楊柳小蠻腰。即白公侍兒也。若晚春酒熟。尋夢得云。還攜小蠻去。試覓老劉看。即酒榼也。

忽雷

洽聞記。鱒魚一名忽雷。樂府雜錄。文宗朝內庫。琵琶號大忽雷小忽雷。

鷄肋終

默記

宋王鉉撰

王朴仕周為樞密使。五代自朱梁以用武得天下。政事皆歸樞密院。至今言二府。當時宰相但行文書而已。況朴之得君。所以世宗才四年間。取淮南。下三關。所向成功。時緣用兵。朴多宿禁中。一日謁見世宗。屏人輦蹇。且倉皇歎曰。禍起不久矣。世宗因問之曰。側觀玄象大異。所以不敢不言。世宗云如何。曰。事在宗社。陛下不能免。而臣亦先當之。今夕請陛下觀之。可以自見。是夜與世宗微行。自厚載門同出至野。次止於五丈河旁。中夜後。指謂世宗曰。陛下見隔河如漁燈者否。世宗隨亦見之。一燈熒熒然。迤邐甚近。則漸大。至隔岸。火如車輪矣。其間一小兒。如三數歲。引手相指。既近岸。朴曰。陛下速拜之。既拜。漸遠而沒。朴泣曰。陛下既見。無可復言。後數日。朴於李穀坐上得疾而死。世宗既伐幽燕。道被病而崩。至明年而天授我宋矣。火輪小兒。蓋聖朝上德之兆。夫豈偶然。

藝祖初自陳橋推戴入城。周恭帝即衣白襴乘轎子。出居天清寺。太祖與諸將同入內。六宮迎拜。有二小兒非角者。宮人抱之亦拜。詢之。乃世宗二子。紀王王也。願